

Ս. 2. ՀՈՎՀԱՆՆԻՍՅԱՆ

Մշակույթը համապարփակ և բարդ հասարակական երևույթ է: Արտակենսաբանական և արտաբնական այդ երևույթը պետք է ուսումնասիրել միայն մարդկային գործունեության տեսանկյունից, որպես մարդկային գործունեության եղանակ¹: Սակայն մշակույթի առաջացման ու զարգացման պրոբլեմն ուսումնասիրելիս ուշադրություն է հրավիրում այն հանգամանքը, որ բոլորովին ոչ մի կապի մեջ չգտնվող էթնոսներ² մշակույթների նմանության կամ հարևան ժողովուրդների մշակութային երևույթների յուրօրինակության առկայությունը հաճախ չի կարելի բացատրել միայն սոցիալական գործոնով: Նման դեպքերում նկատվում է այն փաստը, որ նրանք ապրում են կամ նույնական, կամ, ընդհակառակը, ամենատարբեր բնական պայմաններում: Հարց է առաջանում. ի՞նչ դեր կարող է խաղալ բնականը մարդկային մշակույթի, այդ թվում և հայ ժողովրդի մշակույթի զարգացման մեջ:

Սոցիոլոգիական մտքի պատմության ընթացքում շատ մտածողներ փորձել են ցույց տալ բնական պայմանների ազդեցությունը հասարակական կյանքի վրա: Այս միտքն իր որոշակի ձևակերպումը գտավ աշխարհագրական դետերմինիզմի ներկայացուցիչների մոտ (Շ. Մոնտեսսյու, Գ. Բոկլ, է. Ռեքլյու և ուրիշներ): Սակայն նրանք բնական պայմանների ազդեցությունը հասարակական կյանքի վրա դիտում էին ոչ թե արտադրողական ուժերով միջնորդավորված, այլ՝ անմիջականորեն: Մետաֆիզիկական մոտեցման պատճառով նրանք չտեսան հասարակության հակազդեցությունը բնության վրա:

Քննադատելով նախորդների սահմանափակությունները, մարքսիզմի կլասիկները ելան մեթոդոլոգիական տեսակետից ճիշտ այն դրույթից, որ շրջապատող բնությունը հասարակության զարգացման գործում ոչ թե որոշիչն է, այլ միայն բնական նախադրյալ, պայման: Ավելին, նրանք հաղթահարելով աշխարհագրական դետերմինիզմի ներկայացուցիչների միակողմանի մոտեցումը բնության ու մշակույթի փոխհարաբերության մեջ, կարողացան տեսնել այն կարևոր հանգամանքը, որ մշակույթն էլ իր հերթին հակազդում է բնության վրա: Մեր օրերում ստեղծվող էկոլոգիական ճգնաժամի հնարավորություններն արդեն նկատել էր Կ. Մարքսը, որը Ֆ. էնգելսին ուղղած մի նամակում գրում է. «Երբ կոլտուրան տարերայնորեն է առաջ ընթանում և գիտակցության տիրապետությանը չի ենթարկվում, իրենից հետո անապատ է թողնում»³:

¹ Э. С. Марк а р я н, О генезисе человеческой деятельности и культуры, Ереван, 1973.

² Այս տերմինի տակ ի նկատի ունենք մարդկանց հանրության պատմական ձևերի ընդհանուր անվանումը (տոնմ, ցեղ, ազգություն, ազգ): Ю. В. Б р о м л е я, Этнос и этнография, М., 1973.

³ Կ. Մարքս և Ֆ. էնգելս, Հատընտիր նամակներ, Երևան, 1936, հ. 1. էջ 370: Լրաբեր 1—3

Ժամանակակից հնագիտական, ազգագրական, մարդաբանական ու պատմական նյութը թույլ է տալիս բազմակողմանի և խորը ուսումնասիրել բնական գործոնի դերը մշակույթի զարգացման մեջ: Այս նպատակով պարզենք «բնական գործոն» հասկացության բովանդակությունը, բաղադրամասերը: Բնականը կարելի է դիտել որպես արտաքին-բնական և իմանենտ (ներուճակ)-բնական գործոնների միասնություն: Արտաքին բնական գործոն են աշխարհագրական միջավայրը, լանդշաֆտային ոլորտը և արտաերկրային բնությունը, որի հետ դարեր շարունակ մարդն էսթետիկական, տեսական-ճանաչողական և էմոցիոնալ հարաբերության մեջ է գտնվել: Իմանենտ-բնականի տակ մենք ի նկատի ունենք մարդու անթրոպոլոգիական կառուցվածքը, ինչպես նաև մարդու կողմից կենդանական աշխարհի կենսաբանական ստրուկտուրաների և հատկությունների օգտագործումը, ընդօրինակումը (բիոնիկա): Մարդն իր նյութական-արտադրական գործունեության պրոցեսում աշխատանքի գործիքներ պատրաստելիս միշտ ընդօրինակել է իր, ինչպես նաև բիոսֆերայի այլ ներկայացուցիչների օրգանների կառուցվածքներն ու ֆունկցիաները⁴: Վերջիններիս հաստատուն կամ համեմատաբար դանդաղ փոփոխվելու փաստը կարող է մշակույթին տալ համամարդկային գծեր, իսկ էթնիկական և ազգային՝ ոչ:

Աշխարհագրական միջավայրը, լանդշաֆտային ոլորտը, արտաերկրային բնությունը և բուսական ու կենդանական աշխարհն իրենց ստրուկտուրալ կողմերով ներկայացնում են այն բնական միջավայրը, որը մշակույթի զարգացման գործոն է հանդիսացել: Գիտության պատմության ընթացքում «բնական միջավայր» և «աշխարհագրական միջավայր» հասկացությունները կիրառվել են որպես հոմանիշներ: Մեր օրերում էլ ճշգրտված չեն այդ հասկացությունների ծավալն ու բովանդակությունը: Հաճախ նույնացվում են բնության և բնական միջավայրի տերմինները, հաճախ էլ սրանք նույնացվում են աշխարհագրական միջավայր հասկացության հետ⁵:

Հազարամյակներ շարունակ երկրի ձգողական ուժերը, մթնոլորտը (որոնք չեն մտնում «աշխարհագրական միջավայր» և «լանդշաֆտային ոլորտ» հասկացությունների մեջ), արտաերկրային բնությունը ազդել են մարդկային ինչպես նյութական, այնպես էլ հոգևոր արտադրության վրա: Գիտության պահանջները ստիպում են կա՛մ արհեստականորեն ընդլայնել այդ հասկացությունների ծավալը, կա՛մ օգտագործել մեկ այլ տերմին, որը կընդգրկեր նաև բնության այն բոլոր օբյեկտները, որոնք չեն մտնում այդ հասկացությունների մեջ: Այս իմաստով նպատակահարմար է օգտագործել բնական միջավայր տերմինը: Վերջինիս տակ հասկանում ենք բնության այն մասը, որի հետ անմիջական կամ միջնորդավորված ձևով (նյութական արտադրության հիման վրա) շփվում է մարդը: Բնությունն իր տարբեր ոլորտներով ազդում

⁴ Կ. Մարքս, Կապիտալ, հ. 1, Երևան, 1954, էջ 190; С. С. Товмасын, Философские проблемы труда и техники, М., 1972; Ю. С. Мелешенко, Технический прогресс и его закономерности, Л., 1967.

⁵ М. М. Жпрмунский, К вопросу о сферах взаимодействия природы и общества. соотношение в этом взаимодействии естественных и общественных элементов и географической среды («Природа и общество», М., 1968); С. Луцкий. По поводу статьи И. М. Забелина «Географическая среда, географические природные комплексы и система физико-географических наук» («Известия Всесоюзного географического общества», 1953, т. 85, вып. 4).

է մարդկային մշակութային գործունեության վրա՝ հանդես գալով որպես վեր-
ջինիս դարգացման գործոն:

Այժմ տեսնենք, թե ինչ դեր է խաղացել բնական գործոնը հայ ժողովրդ-
դի մշակույթի զարգացման գործում:

Հայ մշակույթի մեջ բնական գործոնը խաղացել է երկակի դեր. մի կող-
մից՝ այն պայմանավորել է նրա համամարդկային գծերի, իսկ մյուս կողմից՝
էթնիկականի՝ հայկականի, առանձնահատուկի գոյությունը: Առանձնահատու-
կի վերաբերյալ մշակույթի մեջ գոյություն ունեն երկու մոտեցումներ: Այս-
պես, Բ. Պորշնևը գտնում է, որ մշակույթների մեջ տարբերությունները վկա-
յություն են նախնադարյան հարևան խմբերի ոչ բարյացակամ վերաբեր-
մունքի, որով նրանցից յուրաքանչյուրը ձգտել է սահմանափակել մյուսի կող-
մից իրերի հափշտակումը⁶: Ա. Պերշիցի և Գ. Խրուստովի կարծիքով, մշա-
կույթների մեջ գոյություն ունեցող տարբերությունը արդյունք է նախնադար-
յան մարդկային խմբերի ցրվածության, երբ պատահականությունը ծնել է
պատրաստման այս կամ այն ձևը, իսկ ավանդույթը հաստատել ու ամրա-
պնդել է այն⁷:

Անշուշտ և՛ մեկը, և՛ մյուսը որոշ իմաստով իրավացի են, քանի որ ժո-
ղովուրդների մշակույթների առաջացման և հետագա զարգացման ընթացքում
նշված երկու հանգամանքներն էլ նշանակություն են ունեցել: Բայց պնդել,
որ իրավացի է այդ բացատրություններից որևէ մեկը, ճիշտ չէ: Ավելին, ժո-
ղովուրդների մշակույթների զարգացման պատմությունը տվել է բազմազան
օրինակներ: Մշակույթի յուրահատկությունը կարելի է բացատրել շրջապա-
տող բնության յուրահատկությամբ, զարգացած ռեգիոններով շրջապատված
լինելով, քաղաքական յուրահատուկ ճակատագրով և այլն: Բայց միշտ այդ
գործոնները միջնորդավորված են նյութական արտադրությամբ և նրանց վրա
բարձրացող տնտեսական հարաբերությամբ: Կարևոր է նշել, որ մշակութա-
յին յուրահատուկ գծերի առկայությունը բացատրելիս միշտ պետք է ելնել
կոնկրետ սոցիալ-տնտեսական, քաղաքական և բնական պայմանների համա-
խմբության գաղափարից: Նրանց տարբեր կապակցությունները տալիս են
տարբեր արդյունքներ: Այոպես, օրինակ, բնական այնպիսի երևույթ, ինչ-
պիսին կոռնկների չուն է, շատ ժողովուրդների է հայտնի: Բայց հայ ժողո-
վրդի պատմական ճակատագիրն այն պրիզման է, որի միջոցով բեկվելով,
այդ երևույթը ստեղծեց հոգևոր մշակույթի անկրկնելի նմուշներից մեկը՝ կո-
միտասյան «Կոռնկը»: Ի դեպ, ազգային երգերի մասին խոսելիս, Կոմիտասը
նրանց նյութի համարում է. «հայարտ լեռները, խոր ձորերը, դաշտերը, բազ-
մազան կլիման, հազար ու մեկ պատմական իրադարձություն և պատահար,
ժողովրդի ներքին ու արտաքին կյանքը... մի խոսքով, այն բոլորն, ինչ ազ-
դում է այդ ազգի մտքերի և զգացմունքների վրա»⁸:

Հայկական լեռնաշխարհի որոշ իմաստով բարենպաստ աշխարհագրա-
կան դիրքն այն կարևոր նախապայմանն է, որի շնորհիվ հայ ժողովրդի մշա-
կույթը դասվում է աշխարհի հնագույն մշակույթների շարքը: Հայաստանն

⁶ Б. Ф. Поршнев, Проблема возникновения человеческого общества и челове-
ческой культуры («Вестник истории мировой культуры», 1958, № 2, стр. 3).

⁷ А. И. Першиц и Г. Хрустов. К проблеме возникновения общества и куль-
туры («Вестник истории мировой культуры», 1959, № 5).

⁸ «История эстетики», М., 1968, т. 4, ч. II, стр. 228.

ունենալով ուրույն բնակլիմայական պայմաններ և շրջապատված լինելով Միջերկրականի ավազանի, Փոքր Ասիայի ու Միջագետքի բարձր զարգացած մշակույթներով, չէր կարող զերծ մնալ ընդհանուր կոլտուրական զարգացման պրոցեսից: Ինչպես վկայում են հնագիտական-ազգագրական նյութերը, նըշված ռեգիոններում մ. թ. ա. VI—IV հազարամյակներում ձևավորված են եղել երկրագործական և անասնապահական ցեղեր⁹:

Հայկական լեռնաշխարհում բնակվող մեր նախնիների ղեղամունքը կախված է եղել տեղի պայմաններից: Ենթադրենք, թե լեռնային վայրերում, որտեղ գոյություն ունեն հարուստ մարգագետիններ ու արոտավայրեր, զարգացած էր անասնապահությունը, իսկ հարթավայրերում՝ երկրագործությունը: Հասկանալի է, որ բնական պայմաններով թելադրված զբաղմունքը իր հերթին ստիպում է ստեղծել համապատասխան գործիքներ, որոնց պատրաստման համար օգտագործվել են շրջապատող բնության մեջ առատ նյութերը (քար, մետաղ, կավ և այլն):

Հայաստանի տարածքում գտնված բաղմաքանակ նյութերը վկայում են, որ նեոլիթի և էնեոլիթի շրջանում հողագործության հիմնական գործիքը եղել է բրնձ՝ քարե ծայրակալով, ավելի ուշ, մետաղի գյուտից հետո՝ մետաղե ծայրակալով: Այնուհետև հողագործության մեջ օգտագործվել են արորն ու գութանը, որոնք գոյություն ունեին մինչև մեր օրերը: Քարեարոտ, լեռնային շրջաններում արորը գործում էր մինչև 1960-ական թվականները¹⁰:

Հայկական լեռնաշխարհում քարատեսակների առատությունն իր կնիքն է դրել աշխատանքի գործիքների պատրաստման վրա: Գործիքներ էին պատրաստվում օբսիդիանից, տուֆից, բազալտից, կալծքարից և այլն: Քարը, մասնավորապես տուֆը, այն հիմնական շինանյութն է, որը սկսած անհիշելի ժամանակներից մինչև մեր օրերն օգտագործվում է: Ընդհակառակը, անտառների համեմատաբար աղքատության պատճառով փայտն ավելի քիչ է օգտագործվել: Մեզ հասել են տվյալներ, որոնց համաձայն արդեն մ. թ. ա. X—VII դդ. Շիրակում զարգացած է եղել փայտի մշակման արհեստը¹¹: Այնուամենայնիվ, այն համեմատաբար ավելի ցածր մակարդակի վրա է գտնվել, քան քարի մշակման արհեստը: Ս. Լիսիցյանը գրում է. «Հայ արհեստավորներն ինչքան հմուտ քարտաշներ են եղել, նույնքան էլ նրանք անհաջող են եղել փայտի մշակման մեջ»¹²:

Հայ ժողովրդի մշակույթի զարգացման գործում մեծ գեր է խաղացել մետաղը, որով հարուստ է մեր լեռնաշխարհը: Հայաստանը համարվում է մետալուրգիայի հնագույն օջախներից մեկը¹³: Մետաղի առկայությունը Հայկական լեռնաշխարհում այն բնական նախապայմանն էր, որի շնորհիվ զարգացավ երկրագործությունը: Վերջինս էլ իր հերթին նպաստեց հարթավայրերի յուրացմանը, ինչպես նաև արհեստների զարգացմանը:

Կլիմայական պայմանները ստիպեցին, որ մեր նախնիները երկրագոր-

⁹ Г. Ч а й л д. Древнейший Восток в свете новых раскопок, М., 1956.

¹⁰ Վ. Հ. Բ զ ո յ ա ն, Հայ ազգագրություն, Երևան, 1973, էջ 38:

¹¹ Т. С. Х а ч а т р я н, Древняя культура Ширака, Ереван, 1975, стр. 263.

¹² С. Д. Л и с и ц я н, Очерки этнографии дореволюционной Армении («Кавказский этнографический сборник», вып. 1, М., 1955, стр. 185).

¹³ Т. С. Х а ч а т р я н, նշվ. աշխ.: Р. М. М у н ч а е в, Кавказ на заре бронзового века, М., 1976.

ծական աշխատանքների մեջ կիրառելն արհեստական ոռոգման սխեման։ Ն. Հարությունյանը նշում է, որ «հողագործական և այգեգործական-խաղողագործական կենտրոնները աստիճանաբար հանդես եկան այն տարածքներում, որոնք օժտված էին ջրի հարուստ ռեսուրսներով, կամ գտնվելիս են եղել ջրային ճանապարհներից ոչ հեռու»¹⁴։

Հիմնականում համաձայնվելով Ն. Հարությունյանի հետ, պետք է նշել, որ այգեգործությունը Հայաստանում զարգացել է նաև ջրազուրկ, բայց այլ բարենյութատ կլիմայական պայմաններ ունեցող վայրերում։ Ոռոգման համար կառուցվել են ջրանցքներ և այլ արհեստական սխեմաներ, որոնք հանդես են եկել դեռ ուրարտական ժամանակաշրջանից։ Նման սխեմանի լայն ցանց ստեղծելու շնորհիվ վերջին շրջանում հնարավոր եղավ այգեգործական նպատակներով յուրացնել Արարատյան դաշտավայրի հյուսիս-արևմտյան շրջանի հողերը։

Ինչպես լեռնային այլ ժողովուրդներ, հայերն էլ վաղուց սկսել են օգտագործել բնական ջրի ուժը։ Խոր ձորերով հոսող ջուրը թելադրեց նաև ջրաղացների կառուցումը¹⁵։ Անկախ այն հանգամանքից, թե ջրաղացները սկզբից հանդես են եկել հայերի մոտ կամ փոխ ենք առել այլ ժողովուրդներից (այս հարցը դեռ ճշգրտման կարիք ունի), այնուամենայնիվ, երկու դեպքում էլ առկա է բնական գործոնը, քանի որ մշակութային որևէ երևույթ փոխ առնելու համար անհրաժեշտ է բնական բաղա։ Այսպես, օրինակ, Նվրդալում ամենուր տարածված հարթավայրային հողմաղացները չեն եղել Հայկական լեռնաշխարհում՝ վերջինիս խիստ կտրտված լեռնային ռելիեֆի պատճառով։

Աշխարհագրական միջավայրը ոչ պակաս դեր է խաղացել նաև հաղորդակցության և փոխադրության միջոցների ստեղծման գործում։ Վերջիններիս դերը մեծ է և առանձին ժողովուրդների մշակույթի զարգացման ու հարեվան էթնոսների մշակույթների փոխազդեցության և փոխհարստացման մեջ։

Բնությունը մի կողմից արգելել է մարդկանց շփումը, իսկ մյուս կողմից՝ կարծես «ստիպել է»՝ ելք գտնել այդ վիճակից։ Գետերի ափերին ապրող մարդիկ հանգեցին կամուրջների, իսկ մեծ ջրային տարածություններ հաղթահարելու համար՝ լաստերի, նավակների և նավերի անհրաժեշտությունը։ Այդ նպատակով Հայկական լեռնաշխարհում օգտագործվել են լաստը, մակույկը և նավակը, իսկ ցամաքային պայմաններում՝ անանիվ քարշակները (քարաքաշան, սահնակ), անիվավոր փոխադրամիջոցները։ Խիստ կտրտված լեռնային վայրերում օգտագործել են երկանիվ սալը, քարաքաշանները, ձմռանը՝ սահնակները¹⁶։ Այս փոխադրամիջոցները մինչև այսօր գործում են լեռնային վայրերում։ Այդ հանգամանքը բացատրվում է նրանով, որ նրանք դարեր շարունակ բավարարել են աշխարհագրական միջավայրի տեղական պայմաններին։

Շրջապատող բնության առանձնահատկություններն արտացոլվել են նաև բնակավայրերի ու բնակարանների կառուցման և կենցաղային առարկաների պատրաստման մեջ։ Պաշտպանական նպատակներով հայկական բնակավայ-

¹⁴ Н. В. Арутюнян, Земледелие и скотоводство Урарту, Ереван, 1964, стр. 205.

¹⁵ С. Д. Лисицян, *ևզվ. աշխ.*, էջ 188:

¹⁶ Л. Н. Петросян, Армянские народные сухопутные средства передвижения («Кавказский этнографический сборник», М., 1972).

րերը հաճախ կառուցվում էին բնականից ամրացված բլուրների և սարալանջերի վրա: Բնակավայրերի այսպիսի դասավորությունը հատուկ է քուռարաքսյան մշակույթը¹⁷ ներկայացնող ժողովուրդներին¹⁸: Այդ ժողովուրդները, նրանց թվում նաև հայերը խիստ լեռնային վայրերում բնակավայրերը կառուցում էին այնպես, որ մեկ տան կտուրը հաջորդի համար բակ էր ծառայում և այդպես շարունակ: Այստեղ ակնհայտ է այն փաստը, որ բնական պայմանները տարբեր ժողովուրդների մշակույթների մեջ ընդհանուր գծեր պայմանավորող գործոն են: Իհարկե, արտադրողական ուժերի զարգացումը հանգեցնում է բնակավայրերի, բնակարանների և, ընդհանրապես, հասարակական կյանքում բնական պայմանների դերի հարաբերական նվազման: Բացարձակ իմաստով, ընդհակառակը, բնության դերը կաճի, քանի որ մարդն իր մշակութային գործունեության մեջ է ընդգրկում նորանոր բնական օբյեկտներ, նրանց հատկությունները: Այս հանգամանքն է նկատի ունենալով Կ. Մարքսը գրում է, որ ինչպես նախնադարյան մարդն իր կյանքը պահպանելու և վերարտադրելու համար պարտավոր էր պայքարելու բնության դեմ, «այնպես էլ պետք է պայքարի և քաղաքակրթված մարդը, պետք է բոլոր հասարակական ձևերում և արտադրության բոլոր հնարավոր եղանակների դեպքում»¹⁹:

Բնական միջավայրի և, մասնավորապես, աշխարհագրական միջավայրի ազդեցությունը մշակույթի զարգացման վրա ըստ հետևանքի կարելի է դիտել երկու ասպեկտով: Առաջին դեպքում շրջապատի երևույթների, առարկաների առանձնահատկությունները արտացոլվելով մշակույթի մեջ, պայմանավորում են պարզապես նրա յուրահատկությունը: Օրինակ, որևէ շինանյութի առատությունը, բնական տվյալ օբյեկտի պաշտամունքը կամ կենցաղային առարկաների վրա տվյալ էթնոսի ռեզիդենտ հատուկ կենդանիների պատկերումը պայմանավորում են այս կամ այն մշակույթի յուրօրինակությունը: Այս ասպեկտը, ըստ իր խաղաղած դերի, զնահատման չի կարելի ենթարկել (դրական կամ բացասական):

Երկրորդ դեպքում աշխարհագրական միջավայրի առանձնահատկությունները սոցիալական գործոնի հետ պայմանավորում են ինչպես էթնոգենեզի, այնպես էլ էթնիկական տվյալ ամբողջության գոյատևման պրոցեսը: Հենց այս իմաստով Հայկական լեռնաշխարհի դիրքը մի կողմից կարծես նախադրյալ է եղել բազմաթիվ ռազմական արշավանքների համար, մյուս կողմից՝ մեծ պաշտպանական ֆունկցիա է կատարել, որի շնորհիվ մեր ժողովուրդը կարողացել է պաշտպանել իր ֆիզիկական գոյությունը: Ըստ երևույթին ելնելով այս՝ էթնիկական պրոցեսի տեսակետից, լանդշաֆտային յուրահատկության և աշխարհագրական միջավայրի դերը կարելի է գնահատման ենթարկել: Ի դեպ, խոսելով էթնիկական պրոցեսի մասին, Լ. Գումիլյովն այն բաժանում է չորս ժամանակաշրջանի. էթնոսի պատմական լինելության, պատմական գոյության սկզբնական փուլի, պատմական գոյության վերջնական փուլի և անկման²⁰: Տարածական ասպեկտով էթնոգենեզի հարցը քննե-

¹⁷ Քուռարաքսյան մշակույթն առաջին անգամ առանձնացվել է Բ. Կուֆտինի կողմից, Б. А. Куфтин, Урартский «колумбарий» у подошвы Арарата и куро-аракский энеолит («Вестник Государственного музея Грузии», XIII—В, Тбилиси, 1944).

¹⁸ Р. М. Мунчаев, *Изд. աշխ.*, էջ 154:

¹⁹ Կ. Մարքս, *Կապիտալ*, հ. 3, գիրք 3, Երևան, 1949, էջ 360:

²⁰ Л. Н. Гумилев, Этногенез и этносфера («Природа», 1970, № 1,2).

լիս նա դալիս է այն եզրակացության, որ էթնոսները հիմնականում առաջացել են ոչ թե միասնու, այլ բազմազան լանդշաֆտի պայմաններում: Իրականում այդ պրոցեսը տեղի է ունեցել և մեկ, և մյուս պայմաններում²¹: Որոշ չափով չափազանցություն կլինի պնդել, թե քանի որ Մերձավոր Արևելքը ծովերի, լեռների, տափաստանների, լեռնային անտառների, անապատների և գետային հովիտների զուգակցում է, ապա «Այնտեղ նոր էթնիկական համակցություններ հաճախ են ծագել, բացառությամբ Անդրկովկասի, որտեղ բնական պայմաններն ավելի շատ հարմար են իզոլյատների առաջացման համար»²²: Այսինքն՝ միասնու լանդշաֆտը կայունացնում է էթնոսին, իսկ բազմազանը՝ տարալուծում: Հայ ժողովրդի մշակույթն ունենալով իր ուրույն գիծը, բնավ էլ մեկուսացած չի եղել, այն այլ ժողովուրդների մշակույթների հետ ունի բազմաթիվ ընդհանուր գծեր:

Մեծ է բնական գործոնի դերը նաև հայ ժողովրդի հոգևոր մշակույթի զարգացման մեջ: Ուրույն լանդշաֆտային կառուցվածքը կապի ու փոխադրամիջոցների պարզունակ եղանակի պայմաններում արգելք է հանդիսացել Հայաստանի տարբեր շրջանների շփմանը: Այս հանգամանքը կնիք է դրել տարազների, ծեսերի, սովորույթների և բարբառների բազմազանության առաջացման վրա: Հայերենը բարբառներով հարուստ լեզու է, քանի որ բնական արգելքներով իրարից բաժանված բնակավայրերի միջև դարերի ընթացքում բացակայել է ինտենսիվ կապը:

Ընդհանրացնելով կարելի է ասել, որ տարածական տեսակետից հավասար, բայց լանդշաֆտային տեսակետից տարբեր ռեգիոնների «բարբառների խտությունը» համեմատելիս կպարզվի, որ լեռնային պայմաններում այդ խտությունն ավելի մեծ է: Այս հարցում մեծ նշանակություն ունի նաև սոցիալական գործոնը (տվյալ ռեգիոնի բնակիչներն ինչպիսի հարևաններով են շրջապատված, ինչ հարաբերության մեջ են գտնվում նրանց հետ և այլն): Օրինակ, արևելահայերի և արևմտահայերի բարբառները, խոսելաձևը և հրնչյունների արտասանությունը տարբերվում են:

Բարբառների առաջացման հարցում չի կարելի համաձայնվել այն հեղինակների հետ, որոնք անտեսում են աշխարհագրական միջավայրի դերը: Այսպես, Լ. Լավրովը Ղաղստանում գոյություն ունեցող բազմալեզվությունը բացատրում է որպես ներամուսնության (էնդոգամիայի) արդյունք²³: Ծակ Բ. Պորշնևը, ելնելով այն դրույթից, որ միջտոհմային հարաբերությունները կարող են լինել դրական և բացասական (վերջիններն էլ համարելով գերակշռելի) եզրակացնում է, որ լեզուների միջև գոյություն ունեցող տարբերությունը «չէր կարող լինել բնական պատճառների պատու: Այն միշտ արհեստական միջոց է ծառայել յուրայիններին ուրիշներից առանձնացնելու և տարբերելու համար»²⁴: Նրա կարծիքով, «մենք»-ի և «նրանք»-ի միջև գոյություն ունեցող բացասական հարաբերության (թշնամանք, ատելություն, միմյանցից երես դարձնել և այլն) հետևանքով էթնիկական ամբողջության խոսքի տեմպը և

²¹ Ю. В. Бромлей, К характеристике понятия «этнос» («Расы и народы», I, М., 1973, стр. 21).

²² Л. Н. Гумилев, *Նշվ. աշխ.*, էջ 52:

²³ Л. И. Павлов, О причинах многоязычия в Дагестане («Советская этнография», 1951, № 2)

²⁴ Б. Ф. Поршнев, Социальная психология и история, М., 1966, стр. 94.

հնչյունների արտասանության ձևը տարբերվում են միմյանցից: Բայց և նրա ընդունած այն փաստը, որ «մենք» և «ներանք» սահմանադատվում են բնական արգելքներով (գետ, սար և այլն), արդեն նահանջ է սեփական դիրքերից և վերջին հաշվով այդ հարցում աշխարհագրական միջավայրի գերի ընդունում:

Բնական միջավայրը հետք է թողել նաև հայ ժողովրդի աշխարհընկալման, էսթետիկական և կրոնական պատկերացումների վրա: Ազգագրական, պատմական հարուստ նյութը վկայում է այն մասին, որ հայերի մոտ պաշտամունքի առարկա են եղել հողը որպես ծնող ուժ, քարը՝ կրակի աղբյուր, երկրագործության մեջ որոշիչ նշանակություն ունեցող և կենսունակության ու բերրիության աղբյուր հանդիսացող՝ ջուրը:

Նյութական արտադրության պրոցեսում առաջացած դժվարությունները հաճախ ստանալով գերբնական տեսք, իրենց արտահայտությունն են գտել նյութական առարկաների ձևով: Այսպես, դեռ 1907 թ. ռուս հնագետ Յ. Ի. Սմիռնովը Գեղամա լեռներում գտավ քարակոթողներ, որոնց ժողովուրդն անվանում է «վիշապ»։ Հետագայում դրանցից գտնվեցին Արագածի լանջերին և այլուր: Դրանց ծագման բացատրություններ տվել են Ն. Մառը, Յ. Սմիռնովը, Բ. Պիոտրովսկին²⁵, Մ. Արեղյանը: Նրանք հիմնականում ճիշտ են նկատել, որ այդ քարակոթողները տեղադրված լինելով աղբյուրների, լճերի և արհեստական ջրամբարների մոտ, ծագումով կապված են ջրի, պտղաբերության հետ: Գր. Ղափանցյանը մերժելով Մ. Արեղյանի տեսակետը, որի համաձայն այդ ձկնանման կոթողները Աստղիկ աստվածուհուն են ներկայացնում, դրսևում է, որ նրանք սիմվոլացնում են բնության կանաչապատումը, պտղատվությունը, հողագործությունը և ջրի առատությունը²⁶: Վերջինիս կարիքը Հայաստանի չոր կլիմայական պայմաններում երկրագործության մեջ շատ խիստ էր զգացվում:

Դեռ անիմիզմի և տոտեմիզմի շրջանից պաշտամունքի առարկա են հանդիսացել մի շարք կենդանիներ, որոնցով հարուստ է եղել Հայկական լեռնաշխարհը և որոնք ուղղակի կամ անուղղակի առնչվել են նյութական արտադրության պրոցեսի հետ: Սիմվոլացնելով հողագործությունը և բերրիությունը, ցույց եղել է պաշտամունքի առարկա: Մասնավորապես այն պատկերված է վերոհիշյալ քարակոթողների վրա: Օձը համարվել է պտղաբերության հովանավոր: Իսկ թռչունների պաշտամունքն իր արտահայտությունն է գտել ժողովրդական բանահյուսության և ժողովրդական երգերի մեջ²⁷:

Մարդկության զարգացման ընթացքում մշակույթի վրա (հատկապես հոգևոր) ազդել է ոչ միայն երկրային, այլև՝ արտաերկրային բնությունը: Վերջինիս ուղղակի կամ անուղղակի ազդեցությունը ժողովուրդների մշակույթների վրա իրագործվել է գիտակցական և բիոլոգիական ուղիներով: Այս կամ այն ժողովրդի աշխարհընկալման, մտքերի և պատկերացումների ձևավորման վրա մեծ ազդեցություն են գործել հորիզոնը, արևը, այլ լուսատուներ և ամբողջ երկինքը: Տիեզերքն իր անհասանելիությամբ ու խորհրդավորությամբ մարդու մոտ հետաքրքրություն է առաջացրել՝ խթանելով գիտական, էսթետիկական, կրոնական պատկերացումների ձևավորումը և զարգացումը, իսկ

²⁵ Б. Б. Пиотровский, Виапы—каменные статуи в горах Армении, Л., 1939.

²⁶ Г. А. Капачян, О каменных стелах на горах Армении, Ереван, 1952, стр. 11.

²⁷ Վ. Հ. Բոոյան, Նշվ. աշխ., 209—211:

վերջին հաշվով՝ նյութական նոր օբյեկտների ստեղծումը: Բնութիւնն յուրահատկութիւնները հաճախ պայմանավորում են յուրահատուկը, ազգայինը արվեստի, գիտական գաղափարների կամ որևէ այլ նյութական մշակույթի մեջ:

Հայ ժողովրդին դարեր շարունակ հետաքրքրել է տիեզերքն իր բազմազանութիւններով: Երկնային լուսատուներն արտացոլվել են պոեզիայի և կերպարվեստի մեջ: Նրանց օգնությամբ մեր ժողովուրդը կարողացել է որոշել դաշտային աշխատանքների ժամկետները, ձեռք բերել տոմարագիտական գիտելիքներ, տարբերակել ցերեկվա ու գիշերվա պահերը, ստեղծել արևի ժամացույց և այլն: Արևը, լուսինը և այլ լուսատուներ ազդելով մեր ժողովրդի կրոնական պատկերացումների վրա, աստվածացվել են և եղել պաշտամունքի առարկա: Հեթանոսութեան շրջանում պաշտամունքի օրյակտ էր արևը, որը պայմանավորում է կյանքի գոյութիւնը: Հետագայում արևի պաշտամունքն իր արտահայտութիւնն է գտել բույսերի անունների, երգումների և այլոց մեջ: Ենթադրվել է, որ աստղերն ունեն բարի ու չար հատկութիւններ, կարող են մարգկանց քաշել պատերազմների մեջ, լինել հիվանդութիւնների պատճառ:

Արտաերկրային բնութիւնն ազդել է բոլոր ժողովուրդների մշակույթների վրա, իսկ կախված այս կամ այն ժողովրդի զարգացման մակարդակից, սոցիալ-բազմազան վիճակից, աշխարհըմբռնողութեան յուրահատկութիւնից, այդ ազդեցութիւնը դրսևորվել է ուրույն, յուրահատուկ ձևով: հաճախ պայմանավորելով ազգայինը: Մեր օրերում մարդու տիեզերք դուրս գալու, արտաերկրային բնութեան հետ անմիջականորեն շփվելու շնորհիվ մարդկային մշակույթի զարգացումը նոր թափ է ստանում, լայն հնարավորութիւններ են բացվում մշակույթի մեջ համամարդկային նոր գծերի առաջացման համար:

Այսպիսով, արտաերին-բնականը և ներոնակ-բնականը միշտ այս կամ այն կերպ ազդել են Հայ ժողովրդի մշակույթի զարգացման վրա՝ հանդես գալով որպէս բնական գործոն:

РОЛЬ ПРИРОДНОГО ФАКТОРА В РАЗВИТИИ АРМЯНСКОЙ КУЛЬТУРЫ

С. О. ОГАНЕСЯН

Резюме

Человеческая культура — чрезвычайно сложный общественный феномен. Будучи внебиологическим, надприродным явлением, она должна рассматриваться только применительно к сфере человеческой деятельности. Вместе с тем наличие сходных культурных черт у различных народов, не находящихся в контакте, а также тех или иных ярко самобытных явлений в культурах соседних этносов зачастую невозможно объяснить только социальным фактором. Природный фактор в сочетании с основным — социальным (материальное производство, социально-политические условия и т. д.) обуславливает как общечеловеческие, так и национальные черты в культуре армянского народа.